

古今圖書集成

明倫彙編

氏族典

中華書局
已酉書社

明倫彙編

氏族典

古今圖書集成

中華書局
已酉重印

欽定古今圖書集成明倫彙編氏族典

第三百一卷目錄

梁姓部彙考

沈隱侯集 齊南林寺尼淨秀行狀

鄭樵通志 以國為氏

王圻續文獻通考 男姓異族

廖用賢尚友錄 梁姓

梁姓部列傳一

周

梁壽

梁弘 公右

梁由靡

梁弘 公右

梁益耳

梁體

梁嬰父

梁公弘

漢

梁石君

梁林

梁喜

梁子都

梁放

梁檣

梁萌

梁延

梁讓

梁統

後漢

梁巡

梁松

梁騰

梁宏

梁煥

梁讓

梁雁

梁棠

梁雍

梁翟

梁謹

梁商

梁安國

梁冀

梁鴻

魏

梁習

晉

梁龔

梁堪

梁讓

梁琛

梁平老

梁國兒

梁喜

梁中庸

北魏

梁越

梁祚

梁頴

梁密

梁元吉

梁重

梁景儔

梁祐

梁覽

梁嵩遠

梁嵩景

北周

梁臺

梁士彥

梁昕

梁榮

梁椿

隋

梁明

梁毗

梁唐

梁剛

梁彥光

梁洋

梁默

梁文讓

梁文謙

梁蕃

氏族典第三百一卷

梁姓部彙考

沈隱侯集

齊南林寺尼淨秀行狀

梁氏出自少昊至伯爵佐禹治水賜姓嬴氏周孝王時封其十六世孫非子於秦其曾孫秦仲為宣王侯伯平王東遷封秦仲少子於梁是為梁伯漢景帝世梁林為太原太守徙居北地為氏遂為郡人為

鄭樵通志

以國為氏

男姓異族

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁氏

梁姓部列傳一

周

梁壽

按列子周宣王之牧正有役人梁壽者能養野禽獸委食於園庭之內雖虎狼鴟鵂之類無不柔馴者

梁弘

按左傳桓公三年春曲沃武公伐翼大於陘庭韓萬御戎梁弘爲右逐翼侯于汾隰驂絙而止夜獲之及梁共叔

梁由靡

按左傳僖公八年晉里克帥師梁由靡御就射爲右以敗狄于采桑梁由靡曰秋無恥從之必大克里克曰懼之而已無速衆狄就射曰期年秋必至示之弱矣

梁弘

按左傳僖公三十三年秦師滅滑晉伐秦師于墨衰經梁弘御戎秦駒爲右夏四月辛巳敗秦師于穀復百里孟明視西乞術白乙丙以歸遂壘以葬文公

年並桓公三年共七十九年當是而梁弘

梁益耳

按左傳文公八年夷之蒐晉侯將登箕鄭父先都而使士穀梁益耳將中軍先克曰狐趙之勳不可廢也從之先克奪蒯得田于葦陰故箕鄭父先都士穀梁益耳蒯得作亂九年春王正月己酉使賊殺先克乙丑晉人殺先都梁益耳三月甲戌晉人殺箕鄭父士穀蒯得

梁鍾

按史記仲尼弟子列傳梁鍾字叔魚少孔子二十九歲注齊人

梁嬰父

按左傳定公十三年范皋夷無寵於范吉射而欲爲亂于范氏梁嬰父嬖于知文子文子欲以爲卿韓簡子與中行文子相惡魏襄子亦與范昭子相惡故五子謀將逐荀寅而以梁嬰父代之逐范吉射而以范皋夷代之冬十一月荀躒韓不信魏曼多奉公以伐范氏中行氏丁未荀寅士吉射奔朝歌

梁公弘

按萬姓統譜晉人已勝智氏歸而繕甲砥兵楚王恐召梁公弘謂曰晉人已勝智氏矣歸而繕甲砥兵其以我爲事乎梁公弘曰不患害其在吳乎夫吳君恤民而同其勞使其民重上之令而人輕其死以從上使如由之職臣登山以望之見其用百姓之信必也勿已乎其備之若何不聽明年閭廬襲郢

漢

梁石君

按漢書蒯通傳齊王田榮怨項羽謀舉兵畔之劫齊士不與者死齊處士東郭先生梁石君在劫中強從及田榮敗二人醜之相與入深山隱居通進之於曹相國以爲上賓

梁林

按沈隱侯集漢景帝世梁林爲太原太守

梁喜

按漢書功臣侯表喜以平陽大夫告霍徵史徵史子信家監趙倫故侍郎鄭尚時謀反元康四年二月壬

午封合陽侯四十一年薨諡愛

梁于都

按後漢書梁統傳統高祖父子都自河東遷居北地

梁放

按漢書功臣侯表建始二年合陽侯放嗣

梁橋

按後漢書梁統傳統祖橋貴千萬

梁萌

按漢書功臣侯表元始五年合陽侯萌以喜孫紹封

王莽敗絕

梁延

按東觀記橋子博博子延以明軍謀特除西域司馬

廷生統

梁讓

按後漢書梁鴻傳鴻父讓王莽時爲城門校尉封修

遠伯使奉少昊後寓于北地而卒

後漢

梁巡

按後漢書梁統傳建武八年封統同產兄巡爲關內侯

梁統

按後漢書梁統傳統字仲寧安定烏氏人晉大夫梁益耳即其先也統高祖父子都自河東遷居北地子都子橋徙茂林至哀平之末歸安定統性剛毅而好法律初仕州郡更始二年召補中郎將使安集涼州拜酒泉太守會更始敗赤眉入長安統與實融及諸郡起兵保境謀共立師初以位太威共推統統固辭

遂共推融爲河西大將軍更以統爲武威太守爲政
嚴猛威行郡郡建武五年統等各遣使詣實融長史
劉鈞詣關奉貢願得詣行在所詔加統爲宣德將軍
八年夏光武自征隗囂統等將兵會車駕及囂敗封
統爲成義侯遷還河西十二年統與融等俱詣京師
以列侯奉朝請更封高山侯拜太中大夫統在朝廷
數陳便宜以爲法令後出爲九江太守定封陵鄉侯
統在郡亦有治述吏人畏愛之卒于官子松嗣

梁騰

按後漢書梁統傳建武八年封統從弟騰爲關內侯
拜酒泉典農都尉

梁松

按後漢書梁統傳統子松字伯孫少爲郎尚光武女
舞陰長公主再遷虎賁中郎將松博通經書明習故
事光武崩受遺詔輔政永平元年遷太僕松數爲私
書請托郡縣二年發覺免官遂懷怨望四年冬乃縣
飛書誅諱下獄死國除

梁疎

按後漢書梁統傳統子疎字叔敬少習孟氏易冠
能教授後坐兄松事與弟俱徙九真顯宗後詔聽
還本郡疎閉門自養以經籍爲娛辟命交至並無所
就有二男三女肅宗納其二女皆爲貴人小貴人生
和帝黃皇后養以爲子而疎家私相慶後諸貴聞之
恐梁氏得志終爲己害建初八年遂潛殺二貴人而
陷疎等以惡逆詔使漢陽太守鄭據傳考疎罪死獄
中官省事密莫有知和帝梁氏生者永元九年黃太
后崩松子鳳遺從兄肅奏記三府太尉張璠引肅訊

問事理會後召見因白肅奏記之狀帝感勵會貴人
姊南陽樊調妻總上書自訟于是追尊恭懷皇后追
封諡疎爲親親愍侯

梁宏

按後漢書陸績傳績會稽吳人仕郡戶曹史太守尹
興異之楚王英謀反陰疏天下善士及楚事覺顯宗
得其錄有尹興名乃徵興詣廷尉獄績與主簿梁宏
功曹史駟勳詣洛陽詔獄就考掠考五毒肌肉消爛
終無異辭

梁鴻

按後漢書梁鴻傳鴻字伯鸞扶風平陵人也受業太
學家貧而尚節介博覽無不通而不爲章句學畢乃
牧豕于上林苑中曾誤遺火延及它舍鴻乃尋訪燒
者問所去失悉以禾償之其主猶以爲少鴻因爲執
動不懈朝夕鄰家耆老見鴻非恆人乃共責讓主人
而稱鴻長者于是始敬異焉悉還其豕鴻不受而去
歸鄉里執家慕其高節多欲女之鴻並絕不娶同縣
孟氏有女狀肥醜而黑力舉石臼擇對不嫁至年三
十父母問其故女曰欲得賢如梁伯鸞者鴻聞而聘
之居有頃入霸陵山中以耕織爲業詠詩書彈琴以
自娛仰慕前世高士而爲四時以來二十四人作頌
因東出關過京師作五噫之歌肅宗聞而非之求鴻
不得乃易姓運期名嫫字侯光與妻同居齊魯之間
有頃又去適吳依大家畢伯通居廡下爲人賃舂每
歸妻爲具食不敢于鴻前仰視舉案齊眉伯通察而
異之舍之于家鴻潛閉著書十餘篇疾且困告主人
曰昔延陵季子葬子于贏博之間不歸鄉里慎勿令

我子持喪歸去及卒伯通等爲求葬地于吳要離冢
傍

梁諷

按後漢書梁愷傳愷父諷歷州宰永元元年車騎將
軍竇憲出征匈奴除諷爲軍司馬令先齎金帛使北
單于宣國威德其歸附者萬餘人後坐失憲意斡輸
武威武威太守承旨殺之

梁惠

按後漢書梁統傳統子松松子惠以恭懷皇后從兄
永元中擢爲黃門侍郎歷位卿校尉溫恭謙讓亦敦
詩書永初中爲長樂少府

梁棠

按後漢書梁統傳統子疎疎子棠棠平侯官至大鴻
臚卒子安國嗣

梁雍

按後漢書梁統傳棠弟雍雍氏侯官至少府

梁翟

按後漢書梁統傳雍弟翟單父侯

梁愷

按後漢書梁愷傳愷字伯威北地弋居人也父諷歷
州宰使北單于後坐失竇憲意斡輸武威殺之實氏
既滅和帝徵愷爲郎中延平元年拜西域副校尉會
任尚徵還以段禧爲都護守它乾城城小愷乃請說
龜茲王白霸欲入共保其城白霸許之龜茲吏人並
叛其王而與溫宿姑墨數萬兵反共圍城愷等出戰
大破之龜茲乃定永初元年罷都護詔愷爲諸軍
援屯金城三年南單于與烏桓大人俱反圍中郎將

耿种于美稷僅馳往赴之斬其渠帥單于復自將攻僅僅被甲奔擊所向皆破單于惶怖乞降拜僅度遼將軍坐專擅徵下獄抵罪明年馬融上書訟僅與護羌校尉龐參有詔原刑會赦先范三輔關中盜賊起拜僅謁者將兵擊之至湖縣病卒

梁商

按後漢書梁統傳統會孫商字伯夏雍之子也少以外戚拜郎中遷黃門侍郎永建元年襲父封乘氏侯三年順帝選商女及妹入掖庭遷侍中屯騎校尉陽嘉元年女立為皇后妹為貴人加商位特進其歲拜執金吾一年以商為大將軍固稱疾不起四年使太常桓焉奉策就第即拜商乃詣闕受命商自以戚屬居大位每存謙柔虛己進賢于是京師翕然稱為良輔帝委重焉每有饒饒輒載租穀于城門賑與貧餒不宣己惠檢御門族未嘗以權盛干法而性慎弱無威斷頗溺于內豎永和六年薨賜諡忠侯子冀嗣

梁安國

按後漢書梁統傳統子竦竦子棠棠子安國延光中為侍中有罪免官

梁冀

按後漢書梁統傳統元孫冀字伯車為人鷹肩豺目洞精矚眦口吟舌言裁能書計少為貴戚還游自恣性嗜酒能挽滿彈基格五六博蹴鞠意錢之戲又好臂鷹走狗騎馬闢雞初為黃門侍郎轉侍中虎賁中郎將越騎步兵校尉執金吾永和元年拜河南尹冀居職暴恣多非法拜大將軍弟侍中不疑為河南尹及帝崩冲帝始在襁褓太后臨朝詔冀與太傅趙岐

太尉李固參錄尚書事冀雖辭不肯當而侈暴滋甚冲帝又崩冀立質帝帝少而聰慧知冀驕橫害朝望臣目冀曰此跋扈將軍也冀聞深惡之遂令左右進鴆加冀餅帝即日崩復立桓帝元嘉元年帝以冀有援立之功欲崇殊典乃大會公卿共議其禮于是有司奏冀入朝不趨劬履上殿謁讀不名禮儀比蕭何冀猶以所奏禮薄意不悅專擅威柄因恣日積延熹二年太史令陳授因小黃門徐璜陳災異日食之變咎在大將軍冀聞之諷洛陽令收考授死干獄帝由此發怒初掖庭人鄧香妻宜生女猛香卒宜更適梁紀梁紀者冀妻壽之舅也壽引進猛入掖庭見幸為貴人冀因欲認猛為其女以自固乃易猛姓為梁時猛姊婿部郎為議郎冀恐其沮敗宜意乃結刺客於偃城刺殺尊而又欲殺宜宜家在延熹里與中常侍袁赦相比冀使刺客登赦屋欲入宜家赦覺之鳴鼓會眾以告宜宜馳入以白帝帝大怒遂與中常侍單超具瓊唐衡左悺徐璜等五人成謀誅冀冀心疑超等乃使中黃門張儉入省宿以防其變具瓊赦更收儉以輒從外入欲圖不軌帝因是御前殿召諸尚書入發其事使尚書令尹勤持節勒丞郎以下皆操兵守省閑欲諸符節送省中使黃門令具瓊將左右虎賁虎賁羽林都候衛士合千餘人與司隸校尉張彪共圍冀第使光祿勳袁封持節收冀大將軍印綬徙封北鄉都鄉侯冀及妻壽即日皆自殺悉收子河南尹引叔父屯騎校尉讓及親從衛尉尉卿校尉忠長水校尉等皆棄市

梁鶴

按水經注漢吏部尚書安定梁孟皇善師宜官人分體魏太祖善其法常仰繫帳中愛翫之以為勝宜官北官勝遠咸是鶴筆

按鶴字孟皇

梁習

按魏志梁習傳習字子虞陳郡柘人為郡綱紀太祖為司空辟召為漳長累轉乘氏海西下邳令所在有治名還為西曹令史遷為屬并土新附習以別部司馬領并州刺史賜爵關內侯更拜為真建安十八年州并屬冀州更拜議郎西部都督從事文帝踐阼復置并州復為刺史進封申門亭侯政治常為天下最太和二年徵拜大司農習在州二十餘年而居處貧窮無方面珍物明帝異之禮賜甚厚四年薨子施嗣

梁竈

按晉書劉隗傳隗江太守梁竈明日當除父服今日請客奏伎丞相長史周顒等三十餘人同會隗奏免竈官制侯爵

梁堪

按晉書元帝本紀太興二年春正月使冠軍將軍梁堪守太常馬屯等修復山陵迎梓宮于平陽不赴而還

梁譚

按前秦錄譚字伯言略陽氏人也博學有傳才仕健為著作郎稍遷至中書令堅既即位出為安遠將軍幽州刺史鎮割城未幾進位侍中譚與弟熙俱以文藻清麗見重一時時人為之語曰關東堂堂一申兩

房未若二梁環文綺章

梁琛

按前燕錄琛廣平人也初爲呂護參軍護敗遂仕慕容氏爲中書著作郎轉給事黃門侍郎時琛以大鴻臚奉使于秦待贊苟純副之琛至長安符堅方敗于萬年欲引見琛琛曰秦使至燕燕之君臣朝服備禮灑掃宮庭然後取見今秦王欲野見之使臣不敢聞命堅嘉琛有奉命之才乃爲之改行宮百僚陪位然後延之如燕朝之儀琛從兄爽先在秦爲尚書郎會龍堅使與客館于突舍琛語有司曰昔諸葛兄弟各處三國及瑾爲吳聘蜀與諸葛亮惟公朝相見退無私面君子之志往賢盛事余竊慕之今使之即安私室所不敢也竟不館突堅乃較突數來就邸舍與琛臥起間問東國起居琛曰今二國鼎據兄弟並蒙榮寵琛之在燕亦猶兄之在秦論其本心各有所在琛欲言東國之美恐非西國之所欲聞欲言其惡復非臣子所得論也兄何用問爲堅聞而嘉之王猛勸堅留琛堅不許留秦月餘厚禮遣歸琛每應對不先告純純甚恨之及歸純言于辟曰琛在長安與王猛甚親善疑有異謀琛又數稱秦王堅及王猛之美且言秦將與師宜爲之備已而秦果伐燕皆如琛言辟乃疑琛知其情收琛繫獄待堅入勸釋之除中書著作郎王猛表爲主簿領記室督

梁平老

按前秦錄平老略陽氏人也才識明敏令行禁止堅以其有王佐之才傾身禮之素與友善生嗣位爲特進領御史中丞生乘醉多所殺戮羣臣得保一日如

度十年平老謂堅曰主上失德上下嗷嗷人懷異志燕晉二方伺隙而動恐禍發之日家國俱亡此殿下之事也宜早圖之堅心然之遂與定議殺生堅卽位以爲尚書左僕射進使持節都督北蕃諸軍事鎮北大將軍戍朔方之西以備匈奴尋加開府儀同三司封朔方侯建元八年十一月卒諡曰桓平老在鎮十餘年鮮卑匈奴服而愛之其子成歷位中書將軍兗州刺史轉南中郎將都督荆揚州諸軍事荆州刺史領護南蠻校尉配兵一萬鎮襄陽尋遷衛將軍軍屯兵洛陽淮南之敗爲晉所殺

梁國兒

按後秦錄國兒西胡人也膂力善騎射仕其爲鎮北將軍守忠不二身先士卒隨其征伐前後屢有大功封平與侯典嗣立進位侍中性尤曠達不拘小節乃于平涼作書家每將妻妾入家飲酒酣升靈牀而歌時人或議之國兒不以爲意年八十餘而卒

梁喜

按萬姓統譜喜仕于秦王與爲右僕射

梁中庸

按北涼錄中庸敦煌人也初仕段業爲尚書右丞武衛將軍業退避壁侯塢中庸率衆來奔因與房唇等共推蒙遜爲涼州牧張掖公蒙遜署中庸爲右長史遷西郡太守未幾奔西凉李嵩蒙遜聞之笑曰吾與中庸義深一體而不相信但自負耳孤豈在此一人耶乃盡歸其妻妾問中庸曰我何如索嗣中庸曰未可量也嵩曰嗣才度若敵我者我何能于千里之外授長繩絞其頸耶中庸曰智有長短命有成敗殿

下之與索嗣得失之理臣實未之能詳若以身死爲負計行爲勝則公孫瓚豈賢于劉虞耶嵩默無以應

北魏

梁越

按魏書梁越傳越字元覽新興人也少而好學博綜經傳無所不通性純和篤信行無擇善國初爲禮經博士太祖以其謹厚舉動可則拜上大夫命授諸皇子經書太宗卽祚以師傅之恩賜爵祿阿侯後出爲厲門太守拜光祿大夫卒

梁祚

按魏書梁祚傳祚北地泥陽人父劬皇始二年歸國拜吏部郎出爲濟陽太守至祚居越郡祚篤志好學歷治諸經尤善公羊春秋鄭氏易常以教授有儒者風而無當世之才祚祕書中散稍遷祕書令爲李訢所排擯退爲中書博士後出爲統萬鎮司馬徵爲散令撰并陳壽三國志名曰國統又作代都賦頗行于世清貧守素不交勢貴太和十二年卒

梁頴

按魏書韋閔傳太祖時有安定梁頴先仕慕容寶歷黃門郎入國拜建德太守賜爵朝那男

梁嗣子

按魏書梁越傳越爵祿阿侯子嗣早卒嗣子恭襲降爲雲中子無子爵除

梁元吉

按魏書梁祚傳祚子元吉有父風

梁重

按魏書梁祚傳祚少子重歷辟職後爲相州鎮北府

余軍事

梁景傳

按魏書韋閭傳梁穎孫景偁起家趙郡王幹行參軍稍遷治書侍御史司徒中兵參軍卒子師禮早卒

梁祐

按魏書裴叔業傳裴叔業之從姑子也好學便弓馬隨叔業征伐身被五十餘創景明初拜右軍將軍賜爵山桑子出為北地太守清身率下甚有治稱歷驍騎將軍太中大夫右將軍從容風雅好為詩詠常與朝廷名賢汎舟洛水以詩酒自娛遷光祿大夫加平北將軍端然養志不歷權門出為平西將軍京兆內史卒官

梁覽

按萬姓統譜覽字景獻魏金城人也為西羌部落會祖穆以地平城歸魏封臨洮公祖顯為尚書封南安公父劉河華二州刺史封新陽伯覽以軍功官至太傅封安德郡公

梁嵩遜

按魏書韋閭傳梁穎族會孫嵩遜少有氣俠起家奉朝請歷司空外兵參軍後蕭寶夤為雍州刺史引為中兵參軍深見信任寶夤反令嵩遜率衆出征嵩遜偏受其署既行之後遂與侯終德等還來襲城以功封烏氏縣開國伯後除光州平東府長史轉荊州驛騎府司馬卒官年四十四

梁嵩景

按魏書韋閭傳嵩遜弟嵩景武定中燕郡太守有武功

北周

梁梁

按周書梁梁傳梁宇善通其先安定人也後因官北邊遂家於武川改姓為紀豆陵氏高祖侯力提從魏太祖征討位至揚武將軍定陽侯梁少好學進趨詳雅及長更好弓馬爾朱天光西討知梁有志略引為左右授宣威將軍都將共平關右除鎮西將軍東益州刺史第一領民會長封白水縣伯轉征西將軍金紫光祿大夫後從賀拔岳鎮長安及岳被害梁與諸將同謀翊戴太祖從征侯莫陳悅還武衛將軍太祖既平秦隴方欲引兵東下雍州刺史賈顯持兩端通使於齊神武太祖微知其意以梁為大都督雍州刺史領前軍先行既與顯相見因說顯顯即出迎太祖擊逐入鎮雍州授車騎大將軍儀同三司大統元年轉右衛將軍進爵信都縣公尋授尚書右僕射加侍中開府儀同三司進爵廣平郡公出為東雍州刺史為政舉大綱而已民庶稱焉四年薨於州諡曰武昭

梁臺

按周書梁臺傳臺字洛都長池人也父去斤魏獻文時為隴西郡守臺少果敢有志操孝昌中從爾朱天光討平關隴一歲之中大小二十餘戰以功授于都督賜爵隴城鄉男普泰初進授都督後諫侯莫陳悅討南秦州臺盜平之悅表臺為假節衛將軍左光祿大夫進封隴城縣男尋行天水郡事轉行趙平郡事頻治郡頗有聲績及天光敗賀拔岳又引為心營岳為侯莫陳悅所害臺與諸將議翊戴太祖從討悅破之又拜天水郡守大統初復除趙平郡守轉平涼郡

守錄前後勳授隴州刺史賜姓賀蘭氏從授玉壁戰

邛山授帥都督大統十五年拜南夏州刺史魏廢帝二年遷使持節車騎大將軍儀同三司進驍騎大將軍開府儀同三司孝閔帝踐阼進爵中部縣公保定四年拜大將軍五年拜鄭州刺史臺性疎通恕已待物至于蒞民處政尤以仁愛為心後以疾卒

梁士彥

按周書梁士彥傳士彥字相如安定烏氏人也少任俠好讀兵書頗涉經史周武帝將平東夏聞其勇決自扶風郡守除為九曲鎮將進位上開府封建威縣公齊人甚憚之後以熊州刺史從武帝拔晉州進位大將軍除晉州刺史及齊平封鄭國公位上柱國雍州總管宣帝即位除徐州總管隋文帝作相轉亳州總管尉遲迥反為行軍總管擊之迥平除相州刺史深見忌乃代還京師閑居無事恃功懷怨與宇文忻劉昉等謀反其甥裴通知而奏之于是伏誅有子五人操字孟德位上開府義鄉縣公卒剛徙瓜州叔諸坐士彥誅

梁昕

按周書梁昕傳昕字元明安定烏氏人也世為關中著姓其先因官徙居京兆之藍屋祖重耳漳縣令父勸儒州主簿冠軍將軍昕少見稱州里正光五年蕭寶夤以為行臺參軍孝昌初拜遷冠軍將軍仍從寶夤征萬侯醜奴相持二年前後數十戰以功拜右將軍太中大夫太祖迎魏孝武軍次雍州昕以三輔望族上謁授右府長流參軍從復弘農戰沙苑皆有功除車騎將軍丞相府主簿出為洛安郡守徵拜大將軍

行臺兵部郎中除河南郡守遷東荊州刺史孝閔帝
踐祚進位驃騎大將軍開府儀同三司世宗初進爵
胡城縣伯保定元年遷中州刺史轉邵州刺史天和
初徵拜工部中大夫出爲陝西總管府長史卒于位
諡曰貞

梁榮

按周書梁榮傳弟榮歷位匠師下大夫中外府中
郎蕃部郎伯司會計部下大夫開府儀同三司朝那
縣伯諡曰靜

梁椿

按周書梁椿傳椿字千年代人也祖屈朱魏昌平鎮
將父提內正郎椿初以統軍從爾朱榮入洛以軍功
遷授都將遷中堅將軍屯騎校尉于都督普泰初拜
征西將軍金紫光祿大夫二年除高平郡守封盧奴
縣男太昌元年進授都督拜衛將軍右光祿大夫大
統初進爵樂城縣伯出爲龍東郡守尋進爵爲公遷
梁州刺史累有戰功授車騎大將軍儀同三司大都
督進爵東平郡公俄遷侍中驃騎大將軍開府儀同
三司七年除渭州刺史孝閔帝踐祚除華州刺史改
封清陵郡公二年入爲少保轉少傅保定元年拜大
將軍卒于位諡曰烈椿性果毅善于撫納所獲寶物
分賜麾下故每踐敵場咸得其死力雅好儉素不營
貨產時論以此稱焉

梁明

按周書梁椿傳椿子明魏恭帝二年以椿功襲爵登
陽縣公尋授大都督還車騎大將軍儀同三司散騎
常侍治小吏部歷小御伯御正下大夫保定五年詔

襲椿爵舊封回授弟明天和中改封樂陵郡公除上
州刺史

梁椿

按隋書梁椿傳椿字特德安定烏氏人也父禦磨少
沉敏有行檢周太祖時襲爵廣平郡公累加儀同三
司尋爲本州大中正魏恭帝時加開府改封爲五龍
郡公拜渭州刺史周閔帝受禪徵爲御伯未幾出爲
中州刺史鎮新安拜大將軍進爵將軍國公入爲司會
後從齊王憲拒齊將斛律明月於雒陽每戰有功遷
小冢宰武帝時歷數州刺史涼安二州總管俱有惠
政進位柱國高祖總百揆代王諫爲益州總管行至
潼川而諫反高祖命椿爲行軍元帥討之諫平進位
上柱國唐威惠兼著民夷悅服聲望逾重高祖陰憚
之薛道衡從軍在蜀因入接宴說椿曰天下之望已
歸於隋密令勸進高祖大悅及受禪顧待諸將自
以周代舊臣久居重鎮內不自安屢請入朝於是徵
還京師十五年從上至洛陽卒諡曰襄

梁毗

按隋書梁毗傳毗字景和安定烏氏人也父茂周滄
亮二州刺史毗性剛褻頗有學涉周武帝時舉明經
累遷布憲下大夫除爲別駕宣政中封易陽縣子高
祖受禪進爵爲侯開皇初拜治書侍御史尋轉大興
令遷雍州贊治出爲西寧州刺史改封邯鄲縣侯徵
爲散騎常侍大理卿歲餘進位上開府毗見左僕射
楊素貴寵擅權百寮震懼恐爲國患因上封事素自
此恩寵漸衰煬帝即位遷刑部尚書奏劾宇文述私

役部兵帝議免連罪毗因忤旨憂憤數月而卒
于敬真大業之世爲大理司直

梁彥光

按隋書梁彥光傳彥光字修芝安定烏氏人也祖茂
魏泰華二州刺史父顯周荊州刺史彥光少岐嶷有
至性魏大統末入大學略涉經史有規檢造次必以
禮解褐祿書郎周受禪遷舍人上士武帝時累遷小
駙下大夫母憂去職毀瘠過禮未幾起令視事後轉
小內史下大夫建德中爲御正下大夫從帝平齊以
功授開府陽城縣公宣帝即位拜華州刺史進封華
陽郡公尋進位上大將軍遷御正上大夫俄拜柱國
青州刺史屬帝崩不之官及高祖受禪以爲岐州刺
史甚有惠政開皇二年上幸岐州悅其能賜錢五萬
後數歲轉相州刺史彥光前在岐州其俗頗質以靜
鎮之合境大化奏課連最爲天下第一及居相如部
岐州法鄴都雜俗人多變詐爲之作歌稱其不能理
化上聞而譴之竟坐死歲餘拜趙州刺史彥光請復
爲相州上從之彥光下車發掘姦隱有若神明吏人
感悅略無諍訟後數歲卒官諡曰襄子文謙嗣

梁剛

按隋書梁士彥傳士彥子剛字永固弱冠授儀同以
平尉迎勳加開府擊突厥有功進位上大將軍通政
縣公涇州刺史士彥之誅也以諫獲免徙瓜州

梁默

按隋書梁士彥傳梁默者士彥之蒼頭也曉武絕人
士彥每從征伐常與默陷陣仕周位開府開皇末以
行軍總管從楊素征突厥進位大將軍又從平楊諒

授柱國大業五年從煬帝征吐谷渾力戰死之

梁洋

按隋書梁瑱傳瑱子洋官歷嵩徐二州刺史武貴郎將大業六年詔追改封睿為戴公命以洋襲焉

梁文謙

按隋書梁彥光傳彥光子文謙弘雅有父風以上柱國嫡子例授儀同開皇十五年拜上州刺史煬帝即位轉饒州刺史歲餘為鄱陽太守稱為天下之最徵拜戶部侍郎遼東之役領武貴郎將明年為盧龍道軍副會楊元感作亂其弟武貴郎將元綏先誅文謙元感反問未至而元綏逃走文謙不之覺坐是配防桂林而卒

梁文讓

按隋書梁彥光傳彥光少子文讓初封陽城縣公後為鷹揚郎將從衛元擊楊元感於東都力戰而死

梁善

按隋書經籍志周易開題義十卷梁善撰

欽定古今圖書集成明倫彙編氏族典

第三百一卷目錄

梁姓部列傳二

唐

梁師都

梁文貞

梁肅

梁悅

梁唐

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁萬

梁克家

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁公謙

梁玠

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

梁從光

戰師都氣懈遣兵進擊戰酣德操自以輕騎出其旁

乘之師都大潰未幾以步騎五千入寇德操又盡屠

其軍先是劉備成以衆赴師都因譏見殺其下疑懼

乃多叛師都日金履貞觀二年薛萬均直據朔方東

城其從父弟洛仁斬師都降擢洛仁爲右驍衛將軍

朔方郡公

梁積壽

按萬姓統譜積壽姚州道行軍總管高宗時有未昌

贊叛承命討平之

梁文貞

按唐書梁文貞傳文貞號州閬鄉人少從軍守邊遠

還親已亡自傷不得養即穿墳爲門晨夕泣掃廬墓

左暗默三十年有甘露降坐木免免馴擾縣令刊石

紀之開元中刺史許景先表文貞孝絕倫類詔付史

官

梁昇卿

按唐書昇卿傳安石從父兄子抗所表奉天尉梁

昇卿涉學工書于八分尤工歷廣州都督書東封朝

觀碑爲時絕筆

梁肅

按唐書肅源明傳源明雅善杜甫鄭虔其最稱者元

結梁肅肅字敬之一字寬中隋刑部尚書毗五世孫

世居陸渾建中初中文辭清麗擢太子校書郎肅

復薦其材授左拾遺修史以母老不赴杜佑辟淮

南掌書記召爲監察御史轉右補闕翰林學士皇太

子諸王侍讀卒

梁崇義

按唐書梁崇義傳崇義京兆長安人以驍量業于市力能舒鉤後爲羽林射生事來瑱沉默寡言瑒朝京師分諸將成福昌南陽瑒誅成者潰崇義自南陽勸衆還冀州與李昭薛南陽相讓爲長衆曰非梁卿莫可遂總其軍殺昭及南陽脅制衆心代宗因即拜節度使建中元年李希烈請討之崇義懼整飭軍旅跋扈甚諫者多死朝廷以不疑示天下乃加同中書門下平章事遣御史張著以手詔召崇義崇義拒詔帝命李希烈率諸道兵進討崇義使崔暉杜少誠嚴警水折北至涑口大敗二將降希烈罷之使部降兵徇襄陽約百姓按堵崇義閉壁守者斬闕出不可止乃與妻赴井死傳首京師崇義孫叔明養于李納後從劉悟爲昭義將從諫死遣旌節有詔誅之

梁悅

按唐書孝友傳悅富平人父爲秦果所殺悅殺仇詣縣請罪詔以悅申冤請罪詣公門流循州

後唐

梁冀

按十國春秋荆南梁冀邛州依政人也初名譚會唐郎中劉象隨僖宗入蜀冀以所業詩諸象曰君才思敏妙定成大器若不更名將慮小阻緣製名南下從謁以雨謁人未得輒見請易震字震從辰辰者龍也龍遇雨變化必矣改今名未幾登進士第流寓京師梁開平初歸蜀道過江陵武信王喜其才識留之不遣欲奏爲判官冀自以唐臣恥爲強藩屬吏即亡去又恐及禍乃曰震素不慕榮宦明公不以震爲愚必欲使參謀議但以白衣侍樽俎可也王心重之傳

與司空蕭王保義同爲賓客而冀獨不受辟署稱前進士王亦時時呼爲先輩唐莊宗滅梁冀等咸從吏王朝京師冀堅沮以爲不可王不從而束身朝唐卒斬關始得出歸謂冀曰不用君言幾不免虎口及唐師滅蜀王方食落箸而嘆曰老夫過也冀曰唐主得蜀益驕亡無日矣安知不爲我福已而莊宗果羅鄴都之禍由是益加親信文獻王繼立尤委任冀以兄禮事之冀常謂王爲郎君一日王語冀曰吾自念平生奉養已過今欲捐一切玩好以經史自娛省刑薄賦境內以安是吾願也冀知王克勝厥任因曰先王待我如布衣交以嗣王屬我今幸不墜先業吾老矣不復事人矣固請退居監利王爲之築室於上洲上冀披鶴氅逍遙若仙自稱荆臺隱士每詣府輒跨黃牛至聽事以爲常王亦時過其家斗酒相勞歡敘平生四時賜予甚厚遂以是終其天年所著文集一卷行世

梁克貞

按十國春秋南漢梁克貞與蘇章同時用兵雖不盡善而勇略頗亞于章大有三年交州亂高祖命克貞征之俘其節度使曲承美已又入占城取寶貨而回由是南蠻大恐警服兵威實克貞力也

梁嵩

按十國春秋南漢梁嵩潯州平南人白龍元年舉進士第一仕至翰林學士見時多虐政乞歸養母因獻倚門望子賦以見志高祖憐之聽其去錫銜皆却不受請獨本州一歲丁賦從之及殿州人感德歲祀不絕或云嵩常乘白馬遊東壕墟過渡瀨水死至今有

白馬廟其遺蹟云

梁惟忠

按東平州志惟忠後唐明宗長興中舉進士仕至天平軍節度判官卒年八十孫象蒙顯皆登進士以會孫適貴追封夏國公贈太師中書令

宋

梁迥

按宋史梁迥傳迥博州聊城人少爲吏部小史周世宗在藩邸日得給事左右及嗣位補殿直改供奉官四遷至左藏庫使太祖將討西蜀以迥監秦州戍兵蜀平改監夔州兵轉官苑使從征太原還會命蜀州刺史羅章爲沁州兵馬都署以迥監其軍無何并人入寇迥率兵擊敗之以功遷東上門閤使開寶五年命爲廣南道兵馬都監王師伐金陵命迥與潘美劉遇率步兵先赴荆南且以迥護行營步兵及左廂戰權與吳人戰采石殺獲甚衆江南平以功領順州團練使太宗即位判四方館事領禁軍戍澤州太平興國四年征太原以迥爲行營前軍馬步軍都監督軍攻城中流矢四車駕還命率兵屯定州以功遷引進使七年李繼遷寇邊以迥領兵護銀夏州八年召歸授唐州防禦使雍熙二年繼遷寇邊復召迥爲銀夏都巡檢使赴邊捍禦之三年夏卒于銀州官舍大中祥符八年錄迥子廷翰爲奉職

梁周翰

按宋史梁周翰傳周翰字元褒鄆州管城人父彥溫延州馬步軍都校周翰幼好學十歲能屬詞周廣順二年舉進士授虞城主簿辭疾不赴改開封府戶曹

魯軍宋初范質王溥引為秘書郎直史館乾德中獻
擬制二十篇擢為右拾遺歷通判綿眉二州在眉州
坐杖人至死奪二官起授太子左贊善大夫開寶三
年遷右拾遺監後錦院改左補闕授左司農寺丞逾
年為太子中允太平興國中知蘇州分司西京踰月
授左贊善大夫俄除楚州團練副使雍熙中宰相李
昉以其名聞召為右補闕使江淮提點茶鹽周翰以
辭學為流輩所許類歷外任不樂吏事會翰林學士
宋白等列奏其有史才適回下位遂命兼史館修撰
尋遷起居舍人五年張僞建議復置左右史之職乃
命周翰與李宗諤分領之至道中遷工部郎中真宗
在儲官知其名徵之時為左庶子因令取其所為文
章周翰悉舉以獻及即位首擢為駕部郎中知制誥
俄判史館昭文館咸平三年召入翰林為學士明年
授給事中罷學士大中祥符元年遷工部侍郎踰年
被疾卒諡其子忠實為大理評事周翰性疎尚不忌
臨事過於嚴暴故多賸敗晚年才思稍減書詔多不
稱旨有集五十卷及續因話錄

梁守珍

按十國春秋後蜀梁守珍後主時宦官也廣政中每
值臘月內官各獻羅體團金花樹子以極瑰聚之盛
守珍欲復舊主心乃採忘憂花糝金於花上號曰獨
立僊衆皆以為不及

梁廷嗣

按宋史荆南世家梁廷嗣京兆長安人少事高季興
頗見委任表授檢校司空領綿州刺史充衙內馬步
軍都指揮使歷事四帥人稱其忠盡繼沖之納土也

廷嗣亦嘗勸之復率荆之水軍從幕各廷嗣越戰太
祖嘉之授復州防禦使充湖南前軍步軍都指揮使
兼排陣使後因郊禮自復州入朝改潭州防禦使有
善政詔書褒美廷嗣頗知書好接士嘗暴疾殞於城
隍神是夕夢神人告以九九之數俄疾愈開寶九年
卒年八十一

梁頤

按廣東通志頤字微之其先京兆萬年人祖貝佐幕
番禺屬劉氏稱南漢據有嶺南貝佐非王命不從所
署適於東莞人稱其高宋朝廷一區夏遂占籍高要
頤秉奇節強學才行信於朋友辭章尤瞻補武仙簿
歷鬱林尉封州司戶參軍悉著能聲以疾乞休陞光
祿寺丞致仕卒於家

梁鼎

按宋史梁鼎傳鼎字凝正益州華陽人祖鎮事蜀為
劍門關使父文獻乘氏令鼎太平興國八年進士甲
科解褐大理評事知移歸縣再遷著作佐郎端拱初
遷殿中丞通判欽州以能聲聞徙知吉州淳化中為
開封府判官遷太常博士三司右計判官又為總計
判官會復三部換度支判官至道初遷都官員外郎
江南轉運副使就改起居舍人徙陝西二年五將分
道擊李繼遷李繼隆擅出赤裡路無功還奏軍儲失
期鼎坐削三任復為殿中丞以母老求郡歷知徐密
二州真宗踐位復舊官咸平四年遷兵部員外郎知
制誥踰月拜右諫議大夫度支使時西鄙未寧建議
陝西禁解池鹽所在官屬詔從之以鼎為制置使丁
內艱起復景德初知三班院通進銀臺司出知鳳翔

府以居憂哭泣傷目表求判西京留司御史臺三年
卒年五十二賜二千出身鼎偉姿貌落尚氣有介
節居官峻厲名稱甚茂好學工篆籀八分子申甫吉
甫

梁頤

按宋史梁頤傳頤字太素鄆州須城人曾祖涓成武
主簿祖惟忠歷佐使府至天平軍節度判官父文度
早世頤雍熙二年舉進士解褐大名府觀察推官四
年與梁湛並佐趙昌言昌言入掌樞密會翟馬周事
頤坐貶就州司戶參軍起知魚臺縣就加大理評事
召還遷殿中丞頃之復直史館歷開封府推官三司
關西道判官轉太常博士丁內艱起合起職改右司
諫真宗初使陝西還為度支判官咸平元年詔錄若
水重修太祖實錄表頤參其事又同修起居注三年
命知制誥王均平命為峽路安撫使歸掌三班韓國
華判大理以斷刑失中乃選頤以代之四年張齊賢
使關右安撫以頤為之副頤有吏才每進對詞辯明
敏真宗嘉賞之河北饑盜命與薛映分為東西路巡
檢使還拜右諫議大夫充戶部使會罷三部使以頤
為翰林學士同知審官院三班景德元年權知開封
類美風姿強少疾園門雍睦與人交久而無改士
大夫多之六月暴病卒年九十二

梁固

按宋史梁頤傳頤子固字仲堅幼有志節初以類選
騰賜進士出身服闋詣登聞鼓院讓前命願赴鄉舉計
之大中祥符元年舉服勤詞學科權甲第解褐將作
監丞同判密州就遷著作佐郎歸朝改著作郎直史

館歷戶部判官判戶部勾院爲人氣調俊爽善與人交疎財慷慨尚氣義明於吏道嘗詔鞠獄時稱平審天禧大體成奏頌甚工無幾卒

梁通

按宋史梁通傳通字仲賢東平人翰林學士類之子也少孤嘗輯父遺文及所自著以進真宗授秘書省正字知崑山縣徙梧州更舉進士知淮陽軍尋召爲審刑詳議官拜右正言改直史館修起居注奉使陝西達知制誥出知兗州再遷樞密直學士知延州道州徙秦州入知審刑院樞密副使遷參知政事進同中書門下平章事集賢殿大學士大禧王守忠求爲節度使通持不可張貴妃治喪皇儀殿又以爲不可將以適爲園林使通言國朝以來無此制由是廢通輓轡法令諸事有膽力而多執智數不爲清議所許罷知鄭州復知秦州徙永興軍夏人盜耕屈野河西田累年朝廷欲正封以適爲定國軍節度使知并州還知河陽領忠武昭德二鎮檢校太師復爲觀文殿大學士致仕卒諡曰莊肅

梁頌

按萬姓統譜頌字習之長汀人博學能文登進士以文章見重於陳堯咨屢加薦引歷知廬州以和戎兵還開封府判官

梁杞

按萬姓統譜杞莆田人性淳謹好學通五經慶曆六年登進士初爲連州司理獄獄詳明部使者論薦爲桂陽令蒞政以惠民爲本恤孤寡抑奸猾作陂池教種藝平賦役弭盜賊庶務悉舉虔商有擾市廛者設

方略嚴逐之邑以大治嘉祐中遷比部員外郎尋以朝奉郎通判鄂州軍事俗尚巫鬼爲置警局斥去淫祠陋俗爲之一變熙寧初致仕

梁仲保

按萬姓統譜仲保賓州人忠義勇敢監司上其名以三班奉職充本州團練使慶曆間僞賊犯邊率衆力戰死之郡人爲之立廟

梁順孫

按萬姓統譜順孫字景樞高要人兩貢辟雍第監邑州橫山峭金坑先是僞寇擄掠平民入峒數十年無一人還者順孫撫以恩信又以身請使歸其人酋長畏之民得歸者如市順孫死護送者連數百里事聞官其一子

梁彥通

按東平州志彥通字貫之道之子以縣補秘書省正字累勳上柱國封保定縣男初在昭德有吳氏兄弟久異籍請同居守難之彥通曰民知義可旌而不可沮竟如吳氏請其家書像祀之在瀘州河決曹村召彥通專欲訟取不聽命者一人繩治萬人悚慄堤遂成及刺邢州吳丹使王遵義來聘往勞之遵義曰太守不厭金帶是薄我不肯見彥通曰朝服不可改也竟不易服改知華州歲凶斗米錢三百乃括倉粟平價坐府中親視糴老弱至者日千人遂賴以安事聞方召入會以病卒

梁彥昌

按東平州志彥昌字得之道之子舉進士累遷通判德順軍郡守將開第屬邑以材木獻彥昌曰是必取

於民吾寧被譴豈希合以擾民哉卒拒之後守罷郡諸令皆得罪彥昌獨免再任東平監馬政廢弛朝廷遣使馳視遂條十事以奏彥昌爲人篤實性不他嗜獨喜爲詩有集十卷曰汶陽雜藁

梁彥深

按東平州志彥深鄆州刺史

梁從吉

按宋史梁從吉傳從吉字君祐開封人補入內高班熙寧初爲鄆州環慶路駐泊兵馬鈐轄討平寧州叛卒以功陞都鈐轄累官皇城使進入內押班遷永州團練使爲副都知元祐中卒諡敏恪

梁立則

按萬姓統譜立則熙寧中知新州興修水利於州西南十里得其白鑿坑決其水溉田至今爲利

梁公价

按萬姓統譜公价字實臣分宜人少孤力學熙寧中進士調贛縣簿稍遷承信郎守四門博士

梁世基

按萬姓統譜世基橫州人由攝官補登仕郎歷潯州司戶參軍熙寧中特授大理寺丞

梁紹

按萬姓統譜紹壽州人仕宋爲廣東提幹事母孝母疾挂冠歸及卒廬墓手植松柏號碧林亭甘露降芝草生東坡在海外外聞其孝節往見之易其亭曰甘露亭松曰瑞松皆爲親題

梁燕

按宋史梁燕傳燕字況之鄆州須城人父禧兵部員

外郎直史館兼以補任爲太廟齋郎舉進士中第編校秘閣書繕寫集賢校理通判明州檢詳樞密五房文字元豐時內侍王中正將兵出強干實不以法黨爭之不得請外出知宣州未幾提點京西刑獄哲宗立召爲工部郎中遷太常少卿右諫議大夫文彥博議遣劉奉世使夏國御史張舜民論其不當遣降通判就州燕面責給事中張問不能駁還舜民制命以爲失職坐詔同列出爲集賢殿修撰知潯州明年以左諫議大夫召進御史中丞以龍圖閣直學士知鄴州旬日入權禮部尚書爲翰林學士元祐七年拜尚書右丞轉左丞以疾罷爲資政殿學士同醴泉觀使故事非宰相不除使遂置同使以寵之力辭改知穎昌府紹聖元年知鄴州朋黨論起兼以司馬光黨黜知鄴州三年再貶少府監分司南京明年三貶雷州別駕化州安置三年卒

梁子美

按宋史梁適傳適孫子美紹聖中提舉湖南常平時新復役法子美先諸路成役書就還提點刑獄建中靖國初改京西轉運副使徙成都路累遷直龍圖閣河北都轉運使宣和四年以疾罷爲開府儀同三司提舉嵩山崇福宮卒子美爲郡縱侈殘虐然有幹才所至辦治云

梁師成

按宋史梁師成傳師成字守道慧黠習文法稍知書初隸賈詳書臺局詳死得領唐思殷文字外庫主出外傳道上旨政和間得君貴幸至置名進士籍中積過晉州觀察使與德軍雷後建明堂爲都監既成拜

節度使加中太乙神霄宮使歷護國軍河東三節度至檢校太傅遂拜太尉開府儀同三司提節淮南時中外泰寧徵宗留意禮文符瑞之事師成善逢迎希恩寵帝本以隸人畜之命入處殿中凡御書號令皆出其手多擇善書史習微帝書雜詔旨以出外歷其能辨師成實不能文而高自標榜以翰墨爲己任王黼父事之雖蔡京父子亦詔附焉都人目爲隱相黼造伐燕議師成贊決燕山平策勳進少保師成貌若不能言然陰賊險鷲遇間即發家居與黼鄭帝幸黼第見其交通狀已怒朱勳又以應奉與黼輒因乘隙攻之帝罷黼相師成由是益縱鄭王楷寵盛有動搖東宮意師成能力保護欽宗立雙臣多從上皇東下師成以舊恩留京師於是太學生陳東布衣張炳力疏其罪帝迫於公議猶未諱言遂之師成疑之寢食不離帝所久未有以發會鄭望之使金營還帝命師成及望之以宣和殿珠玉器玩復往先令望之詣中書論宰相至則留之始詔暴其罪責爲彰化軍節度則使開封吏議至貶所行次八角鎮殺之以暴死聞籍其家

梁巖老

按福州府志巖老字允濟一名汝霖永福人政和進士靖康間金人犯關巖老佐師守城有勞明年詔使金欲臣之不用金怒幽之荒寺月給飲食食餘輒私匿之復留餘飲漬其壁久之壁壞乃挾乾棧南奔晝伏夜行竟全節而歸高宗嘉之除直秘閣知泉州尋卒

梁昭德

按萬姓統譜昭德歸善人政和中以三禮出身授循州判官有治狀邑人陳伯修李文輔爲友鄉黨咸重之號曰三善士唐庚謫惠交游甚密復官北歸爲賦別三子詩

梁汝嘉

按宋史梁汝嘉傳汝嘉字仲讓處州麗水人以外祖太宰何執中任入官調中山府司議書事建炎初知常州武進縣守薦其治狀擢通判州事加直秘閣歷官至轉運副使臨安守以稱職擢徽猷閣待制試戶部侍郎累遷戶部侍郎進權尚書汝嘉求去以寶文閣直學士提舉太平觀未幾升學士知明州更溫宣鼎三郡復奉祠以歸紹興二十三年卒汝嘉長於吏治在臨安風績尤著

梁季瑛

按萬姓統譜季瑛字飭父麗水人以父廢奉祠歷江淮鑄錢司幹辦公事通判湖州知信光二州荆湖提舉尋除淮南路轉運判官兼准東提刑所在有政聲准東使客所由滑青特重季瑛知權臣激於求者之越次特開班簿取資歷深而積用著者畀之尋加直祕閣再轉爲太府卿除尚書戶吏二部侍郎兼敕令所詳定官所至一室蕭然惟圖史是娛楊簡爲世名儒不妄交友聞季瑛曰吾未見約於自奉誠於求去者遂款門求見其爲人所敬慕者如此

梁弁

按萬姓統譜弁西安人舉進士秦檜當軸以弁辟雍同舍且同舉進士召除御史弁謂天子臺諫安得爲人作鷹犬左遷比部郎會轉對高宗曰卿久次當遷

乃除右司檢意既為宰屬必極親比并終不附稱疾乞嗣高宗曰士大夫有操守而以疾乞去如弁者可惜也

梁楚

按廣東通志楚電白人紹興中攝廉州博白令交寇犯境楚堅城力守引弓連斃數賊城破被執以火矢楚楚罵不絕口而歿朝廷嘉其節贈禮部侍郎

梁克家

按宋史梁克家傳克家字叔子泉州晉江人幼聰敏

進士第官至中書侍郎兼樞密使

不可必執奏無慮乾道五年拜端明殿學士書樞密院事明年參知政事克家在政府與虞允文可否相濟不苟同八年詔更定儀射為左右丞相拜克家為右丞相允文既罷相克家獨秉政雖近戚權倖不少假借而外濟和張說入樞府公議不與殺命俄復用說士大夫不附已謀中傷之克家悉力調護善類賴之議金使朝見授普儀時欲移文對境以正其禮克家議不合遂求去以觀文殿大學士知建康府淳熙八年起知福州在鎮有治績名除醴泉觀使九年拜右丞相封儀國公十四年六月薨贈少師諡文靖

梁玠

按萬姓統譜玠乾道中知漳州居歲餘民夷便之詔改道南兼安撫一路以旌其能漳州為一路安撫自玠始

梁益謙

按萬姓統譜益謙以吏最聞乾道七年為吳縣令修舉百度氣象一新首重學校課督士子增學田二頃有奇疏南濠之水以灌陂田捐俸置賑濟倉恒以催科為末務士民德之咸相戒勿違教令淳熙元年受仕而去輿論歸其循良歲久思之不置乃為立德政碑

梁從光

按尚友錄從光光澤人家素饒淳熙間歲歉盡發所積以賑饑近者餉以奉還者還以米日數百人終其身凡遇歉歲皆如之

梁琢

按萬姓統譜琢字文叔邵武人從朱熹游刻志勵學所論為學工夫最多許可之

梁愛奇

按萬姓統譜愛奇德慶人世有義方累舉調潭州法曹廉謹自守年六十致仕郡太守下車必先訪其虛其推重如此

梁觀國

按萬姓統譜觀國字賓卿南海人志行淳懿未嘗論矩日以讀書談道為樂九疾險邪而重忠義胡寅真德秀輩皆稱之

梁億

按萬姓統譜億字伯安晉江人克家之子德度夷粹母性嚴億奉事無違博親師友講學不倦以父任入官累遷通判福州嘗著論語集解上之視府進官一秩

梁南一

按萬姓統譜南一字刀行南首第三人居鄉教授從游者衆有六經辨疑行於世

梁百揆

按廣東通志百揆字宗盛番禺人登嘉泰甲子省元嘉定丁丑進士初授從事郎大學錄進符璽郎歷奉議大夫廉明仁恕雖職非言路而屢疏國政以直諫有聲退隱禺山闢異端彰聖學有功名教著於當時卒葬葛珠山學者咸稱為端緒先生

梁成大

按宋史梁成大傳成大字謙之福州人開禧元年進士素荷賤恥作縣滿秩詣事史彌遠家幹萬斯通判揚州尋遷宗正寺簿寶慶元年拜監察御史明年拜右正言紹定元年進左司諫四年遷宗正少卿五年權刑部侍郎明年帝夜降旨黜之提舉千秋鴻緒觀莫澤時兼給事中急於別異上疏駁之遂寢同命端平初洪咨夔吳泳文章論駁鑄兩秋泳復上疏送泉州居住會王遂論亦上再鑄秋貶潮州成大天資暴狠心術險巇凡可憾害忠良者率多攘臂為之

梁藻

按萬姓統譜藻字仲章長汀人強學多識性樂蕭散父任不就三舉禮部未成名杜門自適工於詩

梁應龍

按萬姓統譜應龍博人貧而好學嘗欲市書而困於錢輒惋惜其母怪而問焉告以故母解所服簪珥與之登嘉熙二年進士第時榜下有落第者皆哭應龍亦哭或問之答曰本欲荷祿養親今僥倖一第而親已沒是以悲耳性不嗜進取歷仕廣西二十年始改

幸德發判以歸惠停單崔明者嘗學於應龍至是盛飾車騎往拜之應龍不悖言是崔明這其處必屏道從其嚴毅如此

金

梁肅

按金史梁肅傳肅字孟容奉聖州人天眷二年擢進士第調平遙縣主簿遷望都縣令以廉入為尚書省令史除定海軍節度副使改中都警巡使遼山東西路轉運副使嘗治汴官肅分護役事攝大名少尹大定二年擢中都轉運副使改大興少尹三年坐捕蝗不如期貶州刺史削官一階解職上御便殿召左諫議大夫奚鑰翰林待制劉仲諤秘書少監務刺手敬訪問古今事少間顧從容請曰梁肅材可惜解職大軍乃除河北東路轉運副使七年父憂去官起復都水監改大理卿除同知東京留守事遷中都轉運使轉吏部尚書改刑部尚書宋主屢請免立受國書之儀世宗不從及大興尹瑋為十四年正月使宋主使人就館奉其書而重賂之瑋遂杖一百五十除名以肅為宋國詳問使還為濟南尹未幾致仕起復彰德軍節度使召拜參知政事二十三年肅請老遂再致仕詔以其子汝翼為閣門祇候二十八年薨諡正憲

梁珣

按金史梁珣傳珣本大皇家奴隨元妃入宮以閹豎事海陵珣性便佞善迎合特見寵信累官近侍局使及營建南京宮室海陵數數使珣往視工役是時一殿之費已不可勝計珣或言其未善即盡撤去雖丞

相張浩亦曲意事之海陵欲伐宋珣因極言宋劉貴妃絕色傾國海陵大喜及海陵至和州聞珣與宋人交通有狀命執於軍中海陵遂殺珣為亂軍所殺

梁襄

按金史梁襄傳襄字公贊絳州人少孤養於叔之軍性穎悟日記千餘言登大定三年進士第調耀州同官主簿三遷邠州淳化令有善政察廉升慶陽府推官召為薛王府掾世宗將幸金蓮川有司具辦襄上疏極諫世宗納之遂為罷行襄由是以直聲聞權禮部主事太子司經選為監察御史轉中都路都轉運戶精判官未幾遷通遠軍節度副使以資去職關陝安國軍節度副使同知定武軍節度事又改安武軍太常卿張驥曹州刺史改錢萬善學問該博綜習典故可任禮官轉同知順義軍節度使事東勝州刺史歷隴州刺史累遷保大軍節度使卒

梁持勝

按金史梁持勝傳持勝字經南本名詞諱宣宗嫌名改為保大軍節度使襄之子多力善射泰和六年進士復中宏詞累官太常博士遷咸平路宣撫司經歷官與定初宣撫使蒲鮮萬奴有異志欲棄咸平徙曷懶路持勝力正之萬奴怒杖之八十持勝走上京告行省太平是時太平已與萬奴通謀口稱持勝忠而心實不然署持勝左右司員外郎既而太平受萬奴命焚毀上京宗廟執元帥承充其軍持勝與提控咸平治中裴滿賽不萬戶韓公恕約殺太平復推承充行省事共伐萬奴事泄俱被害

梁斗南

按萬姓統譜斗南貝鄉人第進士累官至河南都運性穎悟讀書精熟尤善作詩有幹局長於吏事能制繁治劇時輩服其通敏二字敬恭敬左司郎中恭仕元為中書政事

元

梁曾

按元史梁曾傳曾字貢父燕人祖守正父德皆以會貴贈安定郡公曾少好學日記書數千言中統四年以翰林學士承旨王鶚薦辟中書左三部令史三轉為中書省掾至元十年用累考及格授雲南諸路行省都事久之陞員外郎十五年轉同知廣南西道左右兩江宣撫司事明年除知南陽府十七年朝廷以安南世子陳日烜不就徵選曾使其國進兵部尚書與禮部尚書柴椿偕行明年日烜遇其叔遣受奉表從曾入獻方物二十一年除會湖南宣慰司副使居三年以疾去二十九年改准西宣慰司副使復以親老辭召至京師令曾再使安南授吏部尚書十二月改授淮安路總管而行三十年八月遷京師大德元年除杭州路總管四年丁內艱七年除潭州路總管以未終制不赴明年遷兩浙都轉運鹽使又明年拜雲南行省參知政事尋召還京辭以母喪未葬扶柩北歸十年召為中書參議十一年轉正奉大夫出為河南行省參知政事尋遷湖廣行省參知政事四年以疾辭歸皇慶元年特授昭文館大學士資德大夫累官乞致仕不允復起為集賢侍講學士國有大政必命曾與諸老議之延祐元年奉詔代祀中岳等神還至汴梁病不復職寓居南村門不通賓客惟